

Siengcouh “Sam Nyied Sam” Hozdung Lai Cungj lai Yiengh

象州“三月三”活动丰富多彩



▲ Ciuhlaux caeuq ciuhneix dox giethab, ndei yawj yinx vunz.

◀ Mehmbwk diuq-foux diuzvunj baez mbe lumj vadaengngonz.

Ciengq hwnjdaeu, diuq hwnjdaeu, foux hwnjdaeu…… 3 nyied 24 hauh, Siengcouh Yen youq Vwnzva Gvangjangz aen yienh neix banh aen hozdung cawjdaez dwg “sam nyied sam Bouxcuengh, doxhuz youq Siengcouh”, Cuengh、Gun、Mulauj daengj minzcuz vunz lai angqyangz comz youq gizneix, nauhyied gvaq ciet.

Youq aen hozdung comz miz vwnzva



▲ Mbauqsau angq diuq fouxfaexsoux, diuq ndaej sim hai bak riu.

minzcuz、dijyuz vunz lai、lijyouz funghcingz、siuhfei daegsaek caez guh neix ndawde, Siengcouh gak minzcuz vunz lai dox dazfwngz caez camgya bau aendomq、haizgieg sam vunz、diuqcag、dikgienq、gingigyongxdiet daengj gig miz daegsaek minzcuz vwnzva hozdung haenx, gamjsouh daengz heiqfaenh ciet “sam nyied sam” gig naeknaemq. Hozdung yienhcieg vunz lai vunz daih、nauhyied dangqmaz, sing angq、sing hemq、sing bekfwngz doxgyaux hwnjdaeu gyoebbaenz aenhaj angqyangz ndeu.

Laizbinh Si Minzcuz Gunghcoz Lingjdauj Siujcuj fucujcangj、fusicangj Vangz Vwnzlungz cuzciz gaihmusiz lij senhbu ciethaiq angqhoh hainduj, yenveij fusuhgi Yungz Gen gangjvah, daibyauij yenveij、yen yinzminz cwngfuj, yieung daengx yienh gak cuz vunz lai, byaujsi ngoenzciet camndei caeuq hohfuk gyaundeil!

(Siengcouh Yenveij Senhconzbu/象州县委宣传部)

Hagseng Ban Cuengh Gun Song Vah Gvangjsih Swwhyen Camgya Vujmingz Gingloz Siujyoz “Sam Nyied Sam Bouxcuengh” Hawfwen Hozdung

广西师院壮汉双语班学生参加武鸣庆乐小学“壮族三月三”歌圩活动

3 nyied 25 hauh banhaet, youq Gvangjsih Swwhyen Yozyen Cuhdwngi Gyauiyuz Yozyen 2016 gaep ban Cuengh Gun song vah 160 lai boux hagseng, bae daengz Namzningz Si Vujmingz Gih Gingloz Siujyoz camgya “sam nyied sam Bouxcuengh” hawfwen nem ciet lijyouz vwnzva Loegvet hozdung.

Hozdung youq ndaw singfwen Bouxcuengh ndeidingq haenx haimuq lo. Gyoengq doengzhag angqyangz yawjhaenh gij vwnzyi hozdung biujyienj ndei yawj, caiqlij camgya diuq fouxfaexsoux、dwkdomq、dwkgyangq doenghgi vwnz dij hozdung miz daegsaek Bouxcuengh naekgywg neix. Baez hozdung neix mboujdan youq biujyienj fuengmienh hawj gyoengq doengzhag gamjsouh daengz gij

vwnzva Bouxcuengh ndei, caiqlix hix youq mwh cimz gak cungj gigwn ndei conzdungj, ndaej daengz gij yieungsouh gig daegbied mbouj ityiengh.

Mbat hozdung neix dwg Gvangjsih Swwhyen Cuhdwngi Gyauiyuz Yozyen Siujyoz Gyauiyuz Conhyez (Cuengh Gun song vah fuengyiengq) sonhag saedguh hozdung ndawde yiengh ndeu, dwg vihliux fungfouq gij hagdangz vwnzva swnghhoz gyoengq hagseng, hawj gyoengq doengzhag youq mwh saedguh rox daengz Bouxcuengh vwnzva gig mizyinx, gyalai roxnyinh minzcuz raeuz miznaj, yungh saedguh bae coicaenh hagsib ciennieb cihsiz.

(Vei Munggiz/韦梦琦 sij Vangz Ginh-yinh/黄金鑫 ingj)



▲ Camgya hozdung sat le caezgya hwnj gwnz daizheiq bae kab'ing louzriemh.



▲ Hagseng caeuq vunz-mbanj doxdax dwggyangq.



▲ Gyoengq siujhagseng yienjciengq 《Cingz Haeuxnaengj Haj Saek》.

Nanyauj Cin Cunghsinhyau Haibanh Gaiq Daih'it Ciet Vwnva Fungsug “Sam Nyied Sam”

南晓镇中心校举办首届“三月三”校园民俗文化节

Ndwen 3 ngoenz 24 banringzgvaq, Namzningz Si Liengzging Gih Nanyauj Cin Cunghsinhyau youq ndaw hag haibanh gaiq daih'it ciet vwnzva fungsug “sam nyied sam”. Dangx hagdangz lauxsae hagseng caeuq dingz lai bohranz mehranz camgya le hozdung.

Baez ciet vwnzva hozdung neix, gyoengq lauxsae hagseng angqangq yangzyangz, biujyienj le 《Fwen Vwnzmingz Laexngeih》、《Fwen Ngeihcib Seiq Cietheiq》、《Cingz Rim Haeuxnaengj Haj Saek》daengj gij cezmuzeu fwen diuq foux au Vahcuengh daeu bien baiz haenx. Vwnzyi biujyienj sat le, daengxgyoengq lauxsae hagseng caeuq bohranz mehranz cungj cimzgwn le gij haeuxnaengj haj saek rangfwdwd haenx. Doengzseiz, hagdangz lij hawj gyoengq hagseng guh le bau aendomq、haizgieg sam vunz byaij vaiq biujyienj、fouxfaexsoux daengj dijyuz hozdung miz daegsaek Bouxcuengh neix.

Baez hozdung neix ndaej swnjcienz gij vwnzva conzdungj Bouxcuengh gig miz yiyei, ndaej sawj gyoengq hagseng lai rox cihsiz, sawj gyoengqde roxnyinh conzdungj vwnzva Bouxcuengh miz yinxdaez, gikfat gyoengqde bae gyaehzoh gij vwnzva conzdungj maenhndei Bouxcuengh raeuz!

(Luz Bingz/陆萍)